



# AR PERSON BARVEC,

VICTORIUS VAR E ESCOP.

Var ton : MONSIEUR DE CATINAT.

**U**N Escop deus a Franç, den a galite vras,  
 Oc'h ober e vizit ur vech en em dromplas :  
 Ur Person a gavas hac a voa rust a vin,  
 Rac baro en devoa evel ur c'habucin.

Ar Person a hend all a voa bisajet mad :  
 Tal huel, ha fri caer, ha lêm a zaoulagat,  
 Hac a rê e zever ebars en e barres  
 Coulz ha ma rê nicun ebars en dioces.

AN ESCOP.

An Escop, p'er guelas, a deuas den attaqi,  
 Balamour d'e varo, ha d'en inqieti :  
 A belec'h, emezàn, nac eus a bez canton  
 Oc'h-u deut er vrô-màn evit beza Person?  
 Hac eur ministr' oc'h-u a doues an heritiquet,  
 Pe eur bêleg benac eus ar schismatiquet?

AR PERSON.

Autrou, eme'r Person, a drugare Doue,  
 N'en don en nep fêçon an eil nac eguile ;  
 Me gred on christen mad, catholig, coulz ha c'houi,  
 Ha ne oun qet perac e teuit d'am attaqi.

AN ESCOP.

Ho paro, eme'r Prelat, a gavàn difêçon,  
 Ha ne apparchant qet ouz bisach ur Person.  
 En amzer Moyses guechal voa permetet  
 Douguen ar barvou hir, mes bremâ int difennet.

Pell zo abaoe custum, nep a zo christenien,  
 D'en em raza qempen, dreist oll ar véleyen ;  
 Ne veler barvou hir nemet gant ar Souisset,

Gant tud a Voscovi pe gant chismatiqet.

Pere zo ridicul en ho c'homportamant ;  
Qercoulz én o barvou vel en o guiscamant ;  
Hac rac-se cavàn oc'h eus ur fazi bras  
Ne douzit ho paro evit neuttât ho faç.

Evel un heritiq ho caver er guis-se,  
Ha goal exempl a roit gant ar varo hir-se.  
Ret e deoc'h e zroc'ha, pe me raï deoc'h ober ;  
N'ouzo'c'h qet marteze ous piou oc'h eus affer ?

#### AR PERSON.

Autrou, eme'r Person, na zisplije ganeoc'h,  
Va baro a zo dîn, hac hoc'h hini zo deoc'h :  
Gant Doue meus-hi bet, ha ne gredfen biqen  
E ve ret distruja ar pez a ro d'an den.

O barvou zo roet gant Doue d'ar voaset  
Evit o distingui dious ar femelezet :  
Ar re a fell dezo beza hanval outo,  
A renq evit ar guir touza pis o baro.

Mes me ne fell qet dîn beza feminizet,  
Na trêc'hi va baro, hac hi dija grizet.  
Ne deo qet Souisset hepqen a zoug baro.  
Meur a bersonach mad pere a zo maro

O deus-hi bet douguet, hac a voa tud santel,  
Tud habil, tud prudant ha christenien fidel ;  
Ar Patriarchet còs el lezen ancion,  
Ha prophetet Doue etouez ar Judevien.

Ebestel hor Zalver, hac an Doctoret bras,  
Evel Sant Augustin, Sant Jerôm, Sant Ambroas,  
Hac ar Pab Sant Gregor, ha Sant Yan Chrisostom,  
Hac ouspen daou c'hant Pab demeus ar guêr a Rom

A velomp zo pintet gant barvou bras hac hir,  
Ha n'o zougjent qet sur, ma n'o devize guir.  
N'int qet bet tamallet gant nicun en o bro,  
Qent-se voant enoret balamour d'o baro.

Ha mar en deus douguet ha Calvin ha Luther

Barvou hir evelte ebars en o amzer,  
Ne deo qet ho barvou a zo bet tamallet,  
Nac a so bet caos ma voant heretiqet.

Ar gabucinet paour na scandalisont den  
Evit douguen barvou etoues ar gristenien.  
Nan; nan, en em razit, grognit neb a garo,  
Evidon-me biqen ne droc'hin va baro :  
Guell é ganén mervel, mar bezàn condaonet,  
Eguet coll va baro, pa emeus-hi maguet.

AN ESCOP.

An Escop en coler a lavar d'ar Person  
E renq en em regli diouz uzach ar c'hanton,  
Uzach ar gabucinet, hervez o reglennou,  
Eo douguen, emezàn, ha caout hir ho barvou.

Mes c'houi zo ur Person, n'en doc'h qet cabucin,  
Hac a renq ho paro distaga dious ho min;  
Rac-se absolutant, na zisplichfe ganeoc'h,  
Dre va autorite ec'h ordrenàn deoc'h  
Ma teuot pront d'e zroc'ha, anez certenamant  
E vezoc'h punisset evel eun insolant.

AR PERSON.

Eur c'hriminel paour a vize condaonet  
Da vont d'ar galeou pe da veza crouguet,  
Ne vize qet tristoc'h eguet ma voa'r Person  
Goude beza clêvet e gondaonation.

Autrou Doue, mezàn, hemàn'n dispiljadur !  
Ret e ve em enep cruel ha dinatur,  
D'am beza condaonet da drec'hi va baro,  
Nan, nan, guell é ganén anduri ar maro;  
Ha grit a garfot din, pa dlefac'h va laza,  
Va baro a virin bete'n heur diveza.

AN ESCOP.

Ar Prelat o velet aheurtet ar Person,  
En accusas d'ar Roue hep na guir na réson,  
Hac a laras dezàn : Sir ho majeste

E deus va enoret ha roet din galite.

E deus va grêt Escop ha roet din gallout  
Ebars em dioces da gommandi partout ;  
Eur Person paysant a zo em escopti,  
En deus, var a velân, c'hoant d'en em revolti.

Goab a ra ac'hanòn, ha ne fel qet dezàn  
Oboissa d'am urz, na nè rei, emezàn.  
Justiç a c'houlennàn digant ho Majeste,  
Ha condàonation a enep an den-ze.

#### AR ROUE.

Ar Roue pa glévas ar Prelat o parlant,  
A lavaras neuze : ennes so insolant ;  
Ret eo e chasseal demeus an escopti  
Ha demeus e barros, évit ma furañ.  
Rentet voe eul lizer sinet gant ar Roue  
D'ar Person d'e barros, hac estonet e voe.

#### AR PERSON.

Ia dal emezàn, pa lennas al lizer,  
Bourdet on ar vech-màn, ne doun qet hep affer.  
Ar Roue a barlant, n'aller qet rezista,  
N'emeus gard da zifen, ret eo oboissa.

Ha guell ê ganén c'hoas rancout quitât va bro  
Eguet n'en deo rancout distruja va baro.  
Mes pelec'h e ziu-me? Ar Roue ne verq qet  
Pelec'h e fel dezàn e rafen va retreat.

P'am eus va liberte, n'ouffen qet ober guel  
Eguet mont da Versaill da velet ar c'hastel.  
Biscoas n'on bet eno, hac e clévan conta  
Ne zeus pales er bed comparachet outâ.

N'en deus pales er bed comparachet ountâ.  
Eno vo, a glevàn, e velin traou nevez  
Ha ne veljen biscoas vardro va zieguez ;  
Ar Roue a velin hac e gourtisanet,  
Ha tud ar re vrava a voe biscoas ganet.

C'houi, va baro, zo cauz ma rer din-me pourmen,

C'hoant bras zo d'o drêc'hi, mes n'er grafen biqen,  
 Ha james disparti entrezomp ne vezo  
 Na vezin da guenta condaonet d'ar maro.

Mont a ra ar Barveg da Versaill da chom,  
 Arc'hant a gas gantàn, ne ouzer qet ar som;  
 Bale a ra dre guêr hac en dro d'ar pales,  
 A ziabars er guel qercoulz ha diaves.

Guelet a ra ivez ar Roue pa sorti,  
 Pelec'h benac e za, ha pa vez o tebri;  
 Pa za d'an oferen e za d'e heuill ive  
 Da glêvet ar musiq a rer d'e Vajeste.

Ne zeus eno jardin na bali da redec,  
 Galeri, na traou caër, n'o guel tout ar Barveg.  
 Ar bed oll a c'houlen, ous e velet hardis  
 Da dostat ous ar Roue, hac a sell outàn pis.

Piou ar bêleg barveg a velomp-ni amàn,  
 Na pe a léc'h eff-én? Nê qet eus ar vro-màn.  
 Den ne voar lavaret piou é, na p'eus a vro;  
 Souezet é an oll o velet e varo.

AR MARQUIS.

Alafin eur Marqis, mignon bras d'ar Roue,  
 A yas da gomz ountà dre guriosite.  
 Autrou, eme'r Marqis, o comz ouz ar Barveg,  
 Dious ho habillamant me gred e zoc'h bêleg.

Me gar ar véleyen zo mignon d'ar Roue,  
 Ha mar oc'h eus affer dirac e Vajeste,  
 Me gomzo evidoc'h dious an affer oc'h eus,  
 A rento servich deoc'h dre ar pouvoar a meus.

AR PERSON.

Ilo trugarez, Autrou, emezàn d'ar Marqis,  
 Oblijet bras on deoc'h demeus hoc'h honestis :  
 Me zo eur Person qès exilet eus va bro,  
 Ha ne meus qet a gueus hervez m'è deut an dro.

Nep a vez exilet eus a bers ar Roue  
 A gustum detesti, fachat, touet Doue,

0002

Ha pedi mallozou gant nep zo caos dezo  
Da veza exilet, chasseet deus o bro.

Evidon-m'er c'hontrol, ne meus chagrin ebet  
O sonjal em hini, na d'e veza quitted;  
Rac guell e zoun amàn eguet na oan eno ;  
Ne ma on qet er guær-màn a enep va meno.

Em parros ne gaven nemet poan ha trevel,  
Labour epad an deis, en nos rancout sevel,  
Côves, gueleet tud clàn hac ober sarmoniou,  
Ha caout poan ha chagrin ha calz a afferou.

Amàn e moun ervad ; n'en deus en tout netra  
O troubli va sperot, nac ous va dieza ;  
Lavaret va brevier, celebri va oferen,  
Ar rest eus an amzer a zo dia da bourmen.

Ha sulvui a velàn, emeus plijadurez  
O velet traou qer caër pe gaëroc'h bemdez.  
Contantamant a meus, mar am boe biscoas,  
O velet ar Roue, ha mui am bezo c'hoas.

Eur barados bian e cavàn e bales,  
Hac o sellet ountâ ne enoufen james :  
Ha rac-se, va Autrou, n'emeus gard d'ho pedi  
Da barlant evidon na d'am recommandi,  
Ha qeit ha ma caro va lézel er vro-màn :  
Ne c'houlennàn qet guell eguet mervel ennàn.

#### AR MARQUIS.

Ar Marquis a c'hoarze o clêvet ar Person,  
Hac a voa joa gantàn caout an occasion  
Da barlant anezàn e prezanç ar Roue ;  
Disqueuset voe'r Barveg, ha qemennet e voe.

#### AR ROUE.

Ar Roue, p'er guelas, a c'houlennas ountâ ;  
Perac, ha c'houi Person, e zoc'h-u er vro-mâ ;  
Ha ne zêt d'ho parros da viret ho tenved,  
Evel m'ê ho tever ha ma zoc'h oblijet?

## AR PERSON.

Allas! Sir, emezàn, mar emeus-hi quittet,  
 Ne qet me zo qiriec, ganeoc'h oun exilet.  
 Evit oboissa da urz ho Majeste,  
 Emeus abandonet va denved er c'his-se :  
 Cetu amà'l lizer, gant ho torn é sinet,  
 Hervez hoc'h ordrenañ emeus oboisset.

## AR ROUE.

Penaos, eme'r Roue, exilet oc'h amàl  
 Pa exilàn-me tud, pell cont dious ar vro-mà.  
 Hac ouspen qement-se, me ne exilàn qet  
 Anes n'am be rézon : petra oc'h eus-hu grêt?

## AR PERSON.

Mar plich d'ho Majeste va c'hlévet, emezà,  
 Me gonto deoc'h perac e zòn deut er vro-mà :  
 Va Frelat, a gredàn, en deus va accuset  
 Dirac ho Majeste, hac en deus ho suadet.

Balamour d'am baro, e defot e zroc'hà,  
 Cetu eno'r sujet ma tisplijàn dezà :  
 Caër am boa rézoni ha clasq en em difen,  
 Ne brize qet selaou ar pez a lavaren.

Ret voa dìn, emezàn, hep rezoni morse.  
 Tréc'hi crenn va baro, p'otramant e croc'hje;  
 Va humor zo calet, ha ne meus qet gallet  
 Consanti de zréc'hi anez bout condaonet.

Ma vizen chicaner, var boues dispigu arc'hant,  
 Em bize gonezet o veza appellant;  
 Mes guell é bet ganén fiziout er Brovidañç,  
 Hac en em resolvi da zouffr poan ar setañç.

Ar setañç zo roet ma vizen exilet,  
 Ha gant soumission emeus oboisset,  
 O veza guell ganén sortial eus va bro  
 Eguet na vije sur distruja va baro.

Ho Majeste, Sir, o tout d'am exila,  
 Ne lavare qet dìn pelec'h en em denna :

Peléc'h e yazen-me guell d'ober va retref  
Eguet da Versaill? evel ma zon deuet?

Nemet er barados ec'h aljen-me pignat,  
Ne vouizen donet guell evit ober ervad.  
D'ho Majeste, Sir, va Frinç ha va Autroul  
En em soumettàn tout ha doc'h ordrenançou.

Ho madeles zo bras, credi a ràn certen,  
Hervez ma remerçân var ho pizach laouen,  
E permettot din-me douguen va baro qèz,  
Pa na ra droug da zen, bete fin va buez.

AR ROUE.

It, it, eme'r Roue, achuet ar proces :  
Dalc'hit mat d'ho paro, ha distroit d'ho parres ;  
Daou c'hant scoet ho pezo evit ober ho peach,  
Ha me a c'hourc'hemen na zeui den d'oc'h ampechr.

An histor zo plezant evit ar Person qèz,  
Mes evit an Escop n'en deus bet nemet mez.  
Ne barlantet en qær, er pales nac er ru,  
Nemet dious ar Barveg gant e zoutanen du.

Ar bed oll a lavar en deus eur speret mat ;  
Ha nemet goab na rer partout eus ar Prelat.  
N'en de qet mat d'an dud, dre zomination,  
En em exposi re da gaout confusion.

FIN.

